

Cofnodion Cyfarfod Arferol o **GYNGOR TREF RHUTHUN** gynhaliwyd yn Swyddfeydd y Cyngor, Ffordd Wynnstey, Rhuthun ar nos Lun, 26 Ionawr 2015 am 7:00 p.m.

PRESENNOL: Cyng. Stephen Beach (**Maer - Cadeirydd**)
Cyng. James Bryan, Bob Costain, June Derry, Sioned Foulkes, Ken Hawkins, Menna Jones, Simeon Jones, Robert Owen-Ellis, Anne Roberts, Geraint Woolford ac Emrys Wynne; hefyd Bobby Feeley a Huw Hilditch-Roberts, Cynghorwyr Sir.

157. YMDDIHEURIADAU AM ABSENOLDEB

Derbyniwyd ymddiheuriadau am absenoldeb oddi wrth Gyng. Elisabeth Culshaw a Rosie Hughes-Moseley

158. DATGANIADAU O DDIDDORDEB

Datganodd Cyng. Ken Hawkins, fel Cadeirydd y Pwyllgor Rheolaeth ac Ysgrifennydd y Cwmni, ddiddordeb personol yn y canlynol a gadawodd y siambr yn ystod y drafodaeth a'r penderfyniad ddilynodd.

Cof. Rhif 169 – CAIS AM GYMORTH ARIANNOL – CANOLFAN AWELON

159. ADRODDIAD Y MAER

Dywedodd y Maer ei fod wedi mynychu'r canlynol ers y cyfarfod diwethaf:

- 16 Rhag Ysbyty Rhuthun
- 17 Rhag Mynychu gwasanaeth Angladd Denise Collister
- 18 Rhag Siopa Nadolig
- 19 Rhag Cyngerdd yn Nantclwyd y Dre
- 21 Rhag Carolau Nadolig yn Eglwys Sant Pedr
- 22 Rhag Ymweld â Chartrefi Gofal Preswyl yn Rhuthun
- 29 Rhag Elusennau Tref Rhuthun
- 8 Ion Grŵp Llywio Cydlynnydd y Dref
- 9 Ion Dathlu penblwydd Sally Roberts yn 105 yn Awelon,
- 13 Ion Hubbub, Llys Erw
- 16 Ion Canu a The'r Prynawn Olwyn Fewnol yn Llys Erw
- 17 Ion Agor siop Analysa Cake and Coffee Shop, Wernfechan
- 22 Ion Pawb a'i Farn yn Llysfasi.

160. ADRODDIADAU AELODAU

- Cyng. James Bryan Cyfarfod Blynnyddol Gŵyl Rhuthun
- Cyng. Menna Jones Dinesydd Da, Llywodraethwyr Ysgol Borthyn, Banc Bwyd.
- Cyng. Robert Owen-Ellis Banc Bwyd x 5, Corff Llywodraethol Ysgol Pen Barras, Cyfarfod Cydlynnydd y Dref, cyfarfod gyda Jamie Groves
- Cyng. Anne Roberts Mynychu gwasanaeth Angladd Denise Collister, Siopa Nadolig, Ymweld â Chartrefi Gofal Preswyl yn Rhuthun, Dathlu penblwydd Sally Roberts yn 105 yn Awelon, Fforwm Dros 50, Cyfweliad gyda S4C parthed Logo Rhuthun, Pwyllgor Banc Bwyd, Pawb a'i Farn yn Llysfasi.
- Cyng. Geraint Woolford Tîm y Dref

161. COFNODION Y CYFARFOD DIWETHAF

PENDERFYNWYD: derbyn a mabwysiadu fel cywir cofnodion y Cyfarfod Arferol a gynhaliwyd ar 15 Rhagfyr 2014.

162. MATERION YN CODI

Cof. Rhif 146 - TIM Y DREF - dywedodd aelod mai'r Ysgrifennydd yn awr yw Dave Snape a'r Trysorydd yw Mike Baines.

163. PWYLLGOR AMWYNDERAU

Cyflwynodd Cadeirydd y Pwyllgor cofnodion y cyfarfod a gynhaliwyd ar 12 Ionawr 2015.

PENDERFYNWYD: *derbyn y cofnodion.*

164. PWYLLGOR CYNLLUNIO A DATBLYGU

Cyflwynodd Cadeirydd y Pwyllgor cofnodion y cyfarfod a gynhaliwyd ar 12 Ionawr 2015.

PENDERFYNWYD: *derbyn y cofnodion.*

165. IS-BWYLLGOR ARCHWILIO ARIANNOL

PENDERFYNWYD: *derbyn a mabwysiadu fel cywir cofnodion y cyfarfod a gynhaliwyd ar 12 Ionawr 2015.*

166. CYDLYNYDD DREF

Cafwyd trafodaeth hir ar y mater yma gan gynnwys y Cytundeb sydd yn dod i ben ar 31 Ionawr 2015.

Derbyniwyd diweddariad ar y brandio a'r wefan gan Cyng. Robert Owen-Ellis. Mae rhagor o arian i ariannu'r datblygiad nesaf i'w ddefnyddio ar gyfer hostio gwefan arbenigol. Cynigir bod y Cyngor Tref yn dod yn berchen y wefan a gofynnodd am gadarnhad yr aelodau ar hyn. Llythyr o ddiolch i'w anfon i'r Cydlynnydd yn diolch am ei gwaith caled yn ystod tymor y Cytundeb. Cynigir peidio ag ymestyn y Cytundeb tu hwnt i 31 Ionawr

PENDERFYNWYD: *peidio ymestyn y Cytundeb tu hwnt 31 Ionawr ac i gadarnhau'r Cyngor Tref fel perchennog y wefan newydd.*

167. YMDDISWYDDIAD CYNGHORYDD TREF

Adroddodd y Maer i e-bost gael ei dderbyn oddi wrth Cyng. Katy Morgan Williams yn ymddiswyddo fel Cyngorydd Tref am resymau personol.

PENDERFYNWYD: *derbyn yr ymddiswyddiad a bod trefniadau yn cael eu gwneud ar gyfer apwyntio Cyngorydd Tref newydd. Y Rhybudd Cyfreithiol i ymddangos yn nrws Neuadd y Dref am gyfnod o 14 niwrnod, yn dilyn hyn bydd y Cyngor Tref yn llenwi'r sedd wag drwy gyfethol, oni bai y gelwir Etholiad yn y cyfamser.*

168. GWOBRAU DINESYDD DA

Derbyniodd yr aelodau ddiweddariad. Bydd hysbyseb yn ymddangos yn y Free Press i hybu'r Gwobrau gydag enwebiadau i'w cyflwyno erbyn 31^{ain} Mawrth 2015.

169. CAIS AM GYMORTH ARIANNOL CANOLFAN AWELON

Cyflwynodd Clerc y Dref lythyr gan Ysgrifennydd y Mudiad uchod yn gofyn am y Cyfraniad Blynyddol o £3,000.00 tuag at gostau rhedeg Canolfan Awelon - mae'r swm yma yn y gyllideb.

PENDERFYNWYD: *cadarnhau talu'r Cyfraniad Blynyddol o £3,000.00 i'r Mudiad yma.*

170. CYFARFOD BLYNYDDOL

Gofynnwyd i'r aelodau ystyried newid dyddiad Cyfarfod Blynyddol eleni i Nos Lun, 18^{fed} Mai i Nos Lun, 11^{eg} Mai – y Cyfarfodydd Pwyllgorau i aros ar Nos Fawrth, 5^{ed} Mai a'r Cyfarfod Arferol y Cyngor Tref ar nos Fawrth, 26^{ain} Mai.

PENDERFYNWYD: *cadarnhau newid dyddiad y Cyfarfod Blynyddol ym mis Mai.*

171. PLWYFI TREF RHUTHUN

Derbyniodd yr aelodau wahoddiad gan Y Parch Stuart Evans i Wasanaeth i groesawu Pennaeth newydd Ysgol Borthyn, Mrs Teleri Jones, i'w gynnal yn Eglwys Mwrog, Llanfwrog ar ddydd Su, 1^{af} Chwefror am 11:00 a.m.

172. CANOLFAN GREFFT RHUTHUN

Derbyniodd yr aelodau fanylion o gyfarfod cynhaliwyd bore heddiw, Llun, 26^{ain} Ionawr 2015 gyda Jamie Groves, Pennaeth Cyfathrebu, Marchnata a Hamdden, Cyngor Sir Ddinbych, parthed posib lleihad neu dynnu ymaith cronfa'r Ganolfan Grefft. Mae'n teimlo byddai gwell defnydd o'r arian i hyrwyddo dim yn unig y Ganolfan Grefft ond hefyd y cyfleusterau hamdden y dref gan gynnwys Canolfan Hamdden

Brynhyfryd a Chae Ddôl.

Penderfynwyd: cynnwys y swm o £30,000 yn y praesept eleni o dan y pennawd Canolfan Grefft / Cyfleusterau Hamdden

173. YSWIRIANT - ZURICH MUNICIPAL

Gofynnwyd i'r aelodau drafod newidiadau arfaethedig i'r polisi presennol a thalu premiwm adnewyddu'r flwyddyn nesaf yn y swm o £4,164.99. Newidiadau arfaethedig fel a ganlyn:

Tynnu ymaith £77,028.77 sicrwydd o'r Parc Sgrialu ond Atebolrwydd Cyhoeddus i aros, tynnu ymaith £6,050 sicrwydd 22 Placiau'r Dref a chodi sicrwydd Creiriau'r Dref o £51,000 i £75,000.

PENDERFYNWYD: *cadarnhau'r newidiadau a thalu premiwm yswiriant eleni o dan gytundeb 5-mllynedd.*

174. CYMDEITHAS DDINESIG RHUTHUN A'R CYLCH - MUDIAD CITTASLOW

Cyflwynodd Clerc y Dref e-bost gan Ysgrifennydd y Mudiad uchod yn awgrymu cyfarfod ar y cyd i drafod aelodaeth o Fudiad Cittaslow.

PENDERFYNWYD: *bod cyfarfod ar y cyd yn cael ei drefnu mewn cydweithrediad a'r Gymdeithas Ddinesig.*

175. AMCANGYFRIFON ARIANNOL 2015 / 16

Cyflwynodd Clerc y Dref, fel Swyddog Ariannol Cyfrifol, ei amcangyfrifon drafft ar gyfer y Flwyddyn Ariannol yn diweddu 31 Mawrth 2016. 'Roedd yn cynnig gwariant o £124,925 gydag incwm o £124,300 Praesept a £625 Llogau Buddsoddiad / Banc. Byddai hyn yn rhoddi praesept Band D cyfatebol o £52.38 i'w gymharu â £54.92 y llynedd. Ar ôl trafodaeth ar bob eitem o wariant

PENDERFYNWYD: *bod y Cyngor yn gwneud praesept o £124,300.00 ar Gyngor Sir Ddinbych, sef treth Band D cyfatebol o £52.38 am y flwyddyn ariannol yn diweddu 31 Mawrth 2016.*

176. DATGANIAD ARIANNOL

Cyflwynodd Clerc y Dref, fel Swyddog Ariannol Cyfrifol, ei Ddatganiad Ariannol am y cyfnod yn diweddu 31^{ain} Rhagfyr 2014

PENDERFYNWYD: *derbyn a mabwysiadu'r Datganiad Ariannol.*

177. CYFRIFON I'W TALU

D.U.	B.T.	Teliffon	*	121.18
A.B.	Canda Copying Ltd	Rhent Ffotogopiwr	*	129.14
679	Sandra Williams	Cyfieithu	*	90.00
680	Cyllid y Wlad	Treth ac Yswiriant Gwladol		163.20
681	Cymdeithas Cynghorau Lleol Gogledd a Chanolbarth Cymru	Cinio – Cyfarfod 30 Ion yng Nghei Conna		30.00
682	Canda Copying Ltd	Copïau ychwanegol - du a gwyn	*	55.48
683	Canda Copying Ltd	Copïau ychwanegol - lliw	*	46.38
684	I.T. Williams Company Ltd	Cydllynydd y Dref - cludo rhwystrau.	*	360.00
685	Eglwys Sant Pedr	Llifleuadau 2014		807.43
686	Gwasanaeth Coed Cambrian	Coed Nadolig 2014	*	1,719.60
687	Zurich Municipal	Adnewyddu yswiriant		4,164.99
688	Canolfan Awelon	Cyfraniad Blynyddol		3,000.00
689	Ground Control	Torri Glaswellt – Hydref 2014	*	448.62

(Mae'r eitemau a nodir gyda * yn cynnwys T.A.W. y gellir ei adennill o £385.10)

178. DYDDIAD Y CYFARFOD NESAF

PENDERFYNWYD: *cadarnhau dyddiad cyfarfod nesaf o'r Cyngor Tref fel Nos Lun, 16 Chwefror 2015.*